

UORDEN D'IMMUNDIZCHAS

Structura

Art. 1

Il cumün da Zernez es commember da l'associaziun regionala Pro Engiadina bassa (PEB) chi ha t. o. da pisserar per l'allontanamaint da las immundizchas in tuot la regiun.

Mera

Art. 2

Quist uorden ha per mera da reglar l'economisaziun da las immundizchas per quant cha quai nu succeda fingià tras ils reglamaints da la PEB e la legislaziun correspudenta dal Chantun e da la Confederaziun.

Oblig

Art. 3

Minchün es oblià dad evitar chi detta immundizchas.

Chi chi prodüa immundizchas tillas sto zavrar, reütilisar, neutralisar o allontanar seguond las prescripziuns.

Scumond

Art. 4

Scumondà esa impustüt:

- a) da depositar o suoterrar immundizchas sün terrain public o privat;
- b) da büttar immundizchas illas auas o illa chanelisaziun;
- c) dad arder immundizchas our il liber o in pignas.

Allontanamaint

Art. 5

Per l'allontanamaint da las immundizchas obligatori esa da far adöver dals servezzans publics, e sco tals stan a disposiziun impustüt ils servezzans per:

- a) l'allontanamaint dal rument da chasa;
- b) l'allontanamaint da material bloccant;
- c) allontanamaints specials (p. ex. vaider, palperi, chartun, etc.).

Preparaziun

Art. 6

Las immundizchas han da gnir preparadas per l'allontanamaint in recipiaints dal gener prescrit, e quai i'ls lös indichats sco eir a l'ura fixada.

Ils recipiaints d'immundizchas nu das-chan gnir laschats plü lönch co absolutamaing necessari i'ls lös da deposit.

Lös da deposit	Art. 7
	Il cumün indicha ils lös ingio cha'ls recipiaints d'immundizchas han da gnir preparats per l'allontanamaint.
Termins	Art. 8
	Il cumün resp. La PEB stipulescha il di e l'ura da l'allontanamaint da las immundizchas.
Cumpostar	Art. 9
	Materials organics adattats dessan gnir cumpostats, e quai scha mâ pussibel aint i'l agen üert o in indrizs privats cumünaivels.
	Sco sporta subsidiaria pissera il cumün per üna pussibilità dad allontanamaint da rument organic.
Material da s-chav	Art. 10
	Premiss l'acconsentimaint da l'istanza cumpetenta stan a disposiziun deponias sül territori dal cumün. Ils detagls dal adöver d'ün tal implant sun reglats in ün uorden special.
Finanziaziun	Art. 11
	Per cuvernar ils cuosts dals servezzans per l'allontanamaint da las immundizchas da tuot gener etscha il cumün taxas.
	Pro'l scumpart dals cuosts ha minchün da surtour in princip quella part ch'el chaschunescha svessa.
Cuntravenziuns	Art. 12
	Chi chi cutrafà a las prescripziuns da quist uorden o a directivas chi as basan sün tal vain chastià dal cumün cun üna multa i'l import da fin frs. 5000.-.
	Disposiziuns penalas dal dret regional, chantunal e federal sun resalvadas.
Cumpensaziun	Art. 13
	Implü a la multa po il cumün pretender chi vegnan tuttas las masüras necessarias per refar l'uorden e po, davo avair admoni sainza success, laschar far quistas lavuoirs a cuosts dal respunsabel.
Execuziun	Art. 14
	L'execuziun da quist uorden suprastà al cussagl cumünal.

Entrada in vigur Art. 15

L'orden d'immundizchas preschaint vain miss in vigur retroactiva sùls 1. schner 2000 cun quai ch'el vain acceptà da la radunanza cumünala.

Cun sia entrada in vigur sun abolidas tuot las disposiziuns dal cumün chi stan in cutradicziun cun quist uorden.


Decis uschè da la radunanza cumünala dals **5. MAI 2000**2000

Il president:

il actuar:



.....
Dr. Chasper Buchli



.....
Domenic Arquint